

## **Pinaveersaartitsiniarnermut iliuutsit, pinerlunnermik iluanaarniartartunut, peqqarniisaarniarnissamillu pilersaarusiortunut Kalaallit Nunaanut Inatsimmik peqqussutiliortoqarnissaanut atortuulersitsinissaq.**

UAGUT MARGRETHE AAPPAAAT, Guutip Saammaanneranik Danmarkip Dronningia,  
nalunaarpugut:

Aningaasanik peqquserluutininik iluanaarniuteqartarneq kiisalu pinerliiniartuninik aningaasalersuisarnerup pitsaaliorneqarnissaannut iliuusissat pillugit inatsisitigut nalunaarut nr. 442, 11. maj 2007-imeersoq § 41 malillugu, aningaasarsiornermik suliaqarneq inatsisillu assigiinngitsut allat § 14, imm. 2, inatsimmi nr. 517, 17. juni 2008-meersumi (Aqutsisut siulersuisunullu ilaasortat tulluunneri unneqqarinnerilu, assigiimmik periaaseqarnissaq pillugu ileqqoreqqusap piviusunngortinneqarnera il.il.) aamma aningaasarsiornermik suliaqarneq inatsisillu assigiinngitsut allat § 16, imm. 13, inatsimmi nr. 396-imi 25. maj 2009-imeersumi (Sullitat pillugit paasisutissanik ingerlatitseqqinneq, paasisassarsiorneq, andelskassinik pilersitsineq kiisalu aningaasanik peqquserluutininik malunnarunnaarsaasarneq pillugu inatsisip allannngortinneqarnera) aalajangerneqarpoq inatsisit Kalaallit Nunaannut atuutissasut. Aningaasanik peqquserluutininik malunnarunnaarsaasarneq pinerliiniarnernillu aningaasalersuineq pitsaaliorniarlugu inatsit taamaalilluni aamma Kalaallit Nunaannut atuutilissaaq ima oqaasertaqartillugit:

### **Kapitali 1**

*Atuutsinneqarnissaasa sumiissusai il.il.*

**§ 1.** Taanna inatsit atuutsinneqassaaq ukunani suliffeqarfinni inunnilu:

- 1) Aningaaseriviit.
- 2) Qularnaveeqqusiilluni akiligassarsiniartarfik.
- 3) Aalaakkaasunik aningaasaateqarfiit ingerlatsivii.
- 4) Aningaasaliinermi ingerlatsiviit.
- 5) Imminut sillimmasiinermi ingerlatsiviit aamma soraarnerussutisiallit allaffii suulluunniit.
- 6) Sipaarnermut ingerlatsiviit.
- 7) Elektronikkini aningaasanik tunniussisarfiit.
- 8) Sillimmasiisarnermi isumaqatigiisitsiniartartut, imminut sillimmasiinermi imaluunniit aningaasaliinernut assigusunullu allanut sillimmasiinernut akunniliulluni sulissussisunut.
- 9) Suliffeqarfinnik nr. 1-8 aamma 12 malillugu ingerlatsisut, maani nunami nunat allamiut suliffeqarfiutaannik immikkoortoqarfinnik ingerlatsisut.
- 10) Aningaasaliinermi peqatigiiffiit aamma aaqquissuussamik peqatigiiffiit, ataatsimoortumik aningaasaliinermi peqatigiiffiit, suliat aqutigalugit peqatigiiffiit aammalu killeqanngitsumik aningaasaliisartut peqatigiiffiat.
- 11) (Kalaallit Nunaanni atuutilertinneqassanngilaq)

- 12) Suliffeqarfiit allat aamma inuit, tassa; takussutissiami 1-mi taaneqartut; inuussutissarsiutigalugu ataatsimik arlalinnilluunniit ingerlatsisut.
- 13) Advokatit, sullitaminnut ikiuillutik pilersaarusiormi peqataappata imaluunniit aingaasanik nuussissutsinermi ukunani
  - a) Illuutinik imaluunniit suliffeqarfinnik pisinermi tunisermiluunniit,
  - b) Sullitap aningaasaataanik, pappialaataanik aningaasanik nalilinnik imaluunniit allanik ingerlatsinermi paarsigaanni,
  - c) Aningaaserivimmik-, ileqqaakkanik- imaluunniit pappilianik aningaasanik nalilinnik kontomik aallartitsigaanni ingerlatsigaanniluunniit,
  - d) Pilersitsinissamut, ingerlatsinissamut imaluunniit suliffeqarfinni aqutsinissamut aningaasaliussassanik pinngitsoorneqarsinnaanngitsunik pissarsiniarnermi,
  - e) Pilersitsinissamut, ingerlatsinissamut imaluunniit suliffeqarfinni aqutsinissamut, imaluunniit
  - f) allatut suleriaasissatut siunnersuinermi.
- 14) Advokatit, sullitamik sinnerlugit aammalu taakkua akiligaannik, aningaasanik nuussineranni imaluunniit illuutinut aningaasanik nuussinermi.
- 15) Kukkunersiuisartut Naalagaaffimmit akuerisat- aammalu nalunaarsorsimasut.
- 16) (Kalaallit Nunaanni atuutilertinneqassanngilaq)
- 17) (Kalaallit Nunaanni atuutilertinneqassanngilaq)
- 18) (Kalaallit Nunaanni atuutilertinneqassanngilaq)
- 19) Qallunaat Nunaanni Naalagaaffiup aningaaserivia, ingerlatsippat soorlu nr. 1-mi suliffeqarfiit eqqaaneqartut assigalugit..

*Imm. 2.* Uuma inatsisip § 2-ata akitsorserussisartunut atuutsippaa.

*Imm. 3.* Aningaasanik nakkutilliisoqarfiup suliffeqarfiit imaluunniit inuit pillugit stk. 1, nr. 1 – 10 aamma 12-imi allaqqasup inatsisaa atuutsinngitsorsinnaavaa, allamik maleruagassaliorluni, Ataatsimiititaliap aalangerpagu isumaqatigiisummi immikkoortoq 40 malillugu, malitassiami 2005/60/EF-mi pinaveersaartitsiniarnermut iliuutsit aningaasalersuisarnermi system-imi pinerlunermik iluanaarniartoqarpat aammalu peqqarniisaarniarnissamik pilersaarusiortoqarpat.

### *Aningaasanngorlugit inerteqqut*

**§ 2.** Akitsorterussisartut tuniniakkaminnik aningaasanik 100.000 kr. imaluunniit taakku taggillugit tiguseqqusaanngillat imminni isumaqatigiisimaganik, naak aningaasat ataatsikkut imaluunniit agguataarlugit tiguneqarniaraluarpata.

## **Kapitali 2**

### *Nassuiaatit*

**§ 3.** Taassuma inatsisip makku pivai:

- 1) Ingerlatseqatigiiffiit: Inatsisitigut pisinnaatitaasut pisussaataitaasullu.
- 2) Suliffeqarfiit: Ingerlatseqatigiiffiit aamma eqqaartuussivimmiit aaqqissuussat taakkununga assigusut.
- 3) Niuerfiit aaqqissuussat: Niuerfiit isumaqatigiisummi immikkoortumi 4 (14)-mi malitassiami 2004/39/EF nassuiarsimasoq, niuerfiit immikkut ittunik sakkoqarlutik aningaasaliisut pillugit. Niuerfik Den Europæiske Union-ip imaluunniit nunamiikkuni, aningaasatigut Peqatigiiffiit isumaqatigiiffigisimanngisaanni, taava niueqatigiiffik World Federation of Exchanges (WFE)-mut ilaasortanngusaaq.

- 4) Piginneqataavissut: Inuit naggataatigut oqartussaataitasut imaluunniit sullissaq misissorneratigut imaluunniit inuk; periutsikkut nuussissussinikkulluunniit ingerlatsippat, uani ataani allassimasuni:

Inuit, piginnittutut oqartussaasut imaluunniit ingerlatseqatigiiffinnik misissuippat toqqaannartumik toqqaannangitsumilluunniit piginnippat imaluunniit piginneqataasutut peqataanerup 25 pct.-a sinnerpagu imaluunniit piginneqatigiiffinni oqartussaasutut pisinnaatitaaffeqarpat, tassanili pineqassanngillat piginneqatigiiffiit piginnittutut pisassaat aaqqissuussaasumik niuerfimmippata.

- a) Inuit, piginnittutut piginneqatigiiffiit aqutsisoqarfiani ingerlatsippata.  
b) Inuit, fondit maleruagassaani imaluunniit allatigut 25 pct.-inik annernilluunniit eqqartuussivikkulluunniit aaqqissukkanik aningaasanik agguaanermi, imaluunniit iluanaarutit allat pillugit, taakkua inuit ilisarisimaneqarpat.  
c) Inuit taakku suleqatigiit, fond-imik pingaartitsisut imaluunniit eqqartuussivinni aaqqissuussani allanik pilersinneqarsimappata imaluunniit atuuppata.  
d) Inuit, fond-ip minnerpaamik 25 pct.-anik ingerlatsisutut suliaqarpat imaluunniit eqqartuussivitsigut aaqqissuussanik atorpat, imaluunniit iluanaarutit allat pillugit.
- 5) (Kalaallit Nunaanni atuutilertinneqassanngilaq)  
6) Politikikkut inuit attuumassutillit: Inuit, pisortaqaarfinni qaffasissumik suliaqartut suliaqarsimasulluunniit, taakkua inuit ilaqutai imaluunniit inuit, qanimut suleqataat.

*Imm. 2.* Aningaasanik nakkutilliisoqarfiup ersarinnerusunik maleruagassaliorsinnaavoq, potilikkikkut inuit attuumassutillit pillugit. *Imm. 1, nr. 6-mi.*

#### **§ 4.** Pinerlunnermik iluanaarniartarnerup inatsisaa ima paasineqassaaq.

- 1) Eqqunngitsumik aningaasatigut iluanaarniutinik pisimagaanni piniarsimagaanniluunniit, inatsimmut unioqqutitsisutut pineqaatissinneqarsinnaasussanngorlugu  
2) Eqqunngitsumik, toqqorsilluni, paarsinilluni, assartuilluni, tunisisunik ikiuinikkut imaluunniit allatigut aningaasatigut iluanaarniarsimagaanni inatsisinik unioqqutitsilluni, taakkulu pineqaatissinneqarsinnaapput imaluunniit  
3) Tamakkununga iliutsinut peqataasimagaanni.

*Imm. 2.* Aalajangersagaq *imm. 1-imi* ilaavoq aammattaaq iliutsinik inatsisitigut unioqqutitsisumut, iluanaarniartitsisumit.

**§ 5.** Peqqarniisaarniarnermik pilersarusiortunut aningaasaliinerup inatsisaata isumaa, peqqarniisaarniarnermik pilersarusiortunut aningaasaliinerup §§ 28-34-mi nassuiarneqarpoq, Kalaallit Nunaanni pinerluttuliornermi inatsimmi

### **Kapitali 3**

#### *Misissuisinnaatitaaneq - aamma nalunaaruteqartussaataitaaneq*

**§ 6.** Inatsisip ilagai suliffeqarfiit aamma inuit eqqumaniarfiginissaat sullitamik suliaat, qanoq iliutsimikkut pasinarsinnaasumik pinerlunnermik iluanaarniarsinnaappata imaluunniit peqqarniisaarniarnissamik pilersarusiornissamut aningaasalersuisinnaassappata. Uani atuupput paasilertoruminaatsunik imaluunniit pissusissamisunngitsunik annertuunik nuussippata aamma immikkut ittunik nuutseriaatsinik iliuseqarpat, sullitamut assersuullugu nuussineratigullu, nunanut allanut imaluunniit nunat imartaasa nunataasalu Financial Action Task Force-imit uppersarneqarsimasunit, pinerlunnermik iluanaarniarnissaannut imaluunniit peqqarniisaarniarnissamik pilersarusiortunut aningaasalersuinissaannut ulorianartutut.

Aningaasanik nakkutilliisoqarfik inatsisiliorsinnaavoq, qaqugukkut pisussaassuseq atussasoq, taakkunani nunani nunallu imartaani aningaasanik nuussiniartunik pasinartoqarnissaanut tunngatillugu.

*Imm. 2.* Imm. 1-ip siunertarivaa, taakku nuussisarnerit misissorneqarnissaat, misissornerisalu inerneru nalunaarsorneqarnissaat paarineqarnissaallu, tak. § 23.

**§ 7.** Suliffeqarfiit inuillu inatsimmut attuumassuteqartut, sullitaminnut pinerlunnermik iluanaarniartartut imaluunniit peqqarniisaarniarnissamik pilersaarusiortutut inatsit malillugu nuussinerit misissussavaat imaluunniit saaffiginnissapput. Pasilliutaasoq inatsimmik unioqqutitsineqarpat, ukioq ataaseq sinnerlugu pineqaatissiinertalimmik, kisiannili uppersarsinnaanagu, erngerluni Pinerlunnermik iluanaarniartartut pillugit allaffeqarfianut kalerriutigineqassaaq.

*Imm. 2.* Imm. 1-mi taaneqartumi pasitsaassaqaagaluaaraanni Advokateqatigiit ilaasortai Advokateqatigiit allattoqarfiannut nalunaaruteqassapput, nalilersoreerunikku imm. 1-mi nalunaaruteqartussaataaneq tunngavigalugu, ingerlaannarlu Pinerlunnermik iluanaarniartartut allattoqarfianut nalunaarusiorlutik.

*Imm. 3.* Pinerlunnermik iluanaarniartaqarneranut aamma nuutitsinernut pasilliinerit ingerlateqqissimangippata unitsikkallarneqassapput, imm. 1 malillugu kalerriisoqareersimatillugu. Imm. 2 malillugu kalerriisoqarpat, ingerlatitsineq unitsikkallarneqassaaq Advokateqatigiit Pinerlunnermik iluanaarniartartut allaffiannut kalerriut ingerlatereerpassuk imaluunniit ilisimatitsippata kalleriut nalilersorluarnerata kingorna ingerlateqqinneqassanngitsoq. Nuussineq pinngitsoorneqarsinnaanngippat, imaluunniit nalilerneqarpat misissuinermit ajoqutaasinnaasoq, taava kalerriineq aatsaat pissaaq pisup kinguninnguutigut, tak. taamaattoq imm. 4.

*Imm. 4.* Pasitsaassarli peqqarniisaarniarnissamik pilersaarusiornissamut aningaasaliineqartoq, taava taamaallaat nuussineq tassanga konto-miit imaluunniit inummiit naammassineqarsinnaavoq Pinerlunnermik iluanaarniartartut allattoqarfiat isumaqateqarfigeqqaarlugu. Pinerlunnermik iluanaarniartartut allattoqarfiata kalerriut tiguguniuk, erngiinnartumik kingusinnerpaamillu aningaaseriviup ammanera matutinnagu aalajangiissaaq arsaarinnittoqassanersoq.

*Imm. 5.* Politiit Kalaallit Nunaannut eqqartuussinermi inatsit naapertorlugu paasisutissat suliffeqarfinnut aamma inunmut tassani inatsimmi allassimasut pinngitsoorneqarsinnaanngitsumik piniarsinnaavaat.

**§ 8.** Advokatit eqqartuussivimmi suliassanut atatillugu § 7-immiittumit paasisutissanik sullitaminnit tigusaqarsimagunik aallersimagunilluunniit nalunaassallutik pisussaaffeqarnermi ilaatinneqanngillat, sullitaq qanoq inatsisigut inissisimanersoq imaluunniit illersussanerlugu sinniissuussanerluniluunniit paasititsissalluni, taassumallu ataani suliassanngortitsissanerluni suliassanngortitsissannginnerluniluunniit siunnersuissalluni. Taanna atuutissaaq eqqartuussivimmi suliassap paasisutissartai, eqqartuussineq sioqqullugu, eqqartuussinermi, eqqartuussereernerluunniit, sullitap inatsisitigut qanoq inissisimanagera aalajangertinnagu.

*Imm. 2.* Taakku § 1-mi, imm. 1, nr. 13-15-mi inuit suliffeqarfiillu taaneqartut tassaapput, eqqartuussineq sioqqullugu, eqqartuussinermi kingornaluunniit advokatimik illersuisussaminnik pissarsereersut, imaluunniit sullitamik inatsisitigut qanoq inissimanageranik ilisimasaqareersut, pisussaaffeqanngitsut paasisutissanik nalunaarutiginnissallutik, tassunga illersuisussaminnut naleqqiullugu, tak. imm. 1.

*Imm. 3.* Imm. 1 aamma 2 atuupputtaaq sulianut Akileraartitsinermi qullersanut ingerlaqqittussanut, aammalu isumaqatigiissitsiarnermi eqqartuussivimmut suliassat. Aammattaaq naatsorsuuserisut sullitartik Akileraartitsinermi qullersanut sullikkunikku, tassanngaaniit pisussaaffeqarnermiit ilaatinneqanngillat, ilisimasaminnik nalunaassallutik uani inatsit malillugu.

*Imm. 4.* Imm. 1 aamma 2 atuutissanngillat aatsaat, ikiuineq naammassissappat pinerlunnermik iluanaarniarnermut imaluunniit peqqarniisaarniarnissamik pilersarusiortunut aningaasaliisoqarsimappat, imaluunniit suliffeqarfiup inuulluunniit sullitartik ikioqqussappat pinerlunnermik iluanaarniarnernup peqqarniisaarniarnermillu pilersarusiornissamut aningaasaliinissamut siunertaqarpata.

**§ 9.** Aningaasanik nakkutilliisoqarfik, Inuussutissarsiornermik- aamma Ingerlatseqatigiiffiit qullersaat imaluunniit Advokateqatigiit ilisimasaqassagunik pinerlunnermik iluanaarniartunik imaluunniit peqqarniisaarniarnissamik pilersarusiortunut aningaasaliisoqassappat, nalunaaruteqartussaataitanermit § 7-mi ilaasumi, taava oqartussat Pinerlunnermik iluanaarniartartut allaffeqarfianut nalunaaruteqassapput.

**§ 10.** Aningaasanik nakkutilliisoqarfik, innersorneqarsimaguni Financial Action Task Force-miit, Den Europæiske Union-illu akuerisimappatigit, peqqussutaasut aammalu isumaat assigiippata, § 1-mi maleruagassat allassimasut sukumiinerusumik inatsiliorsinnaavaat, taakku suliffeqarfiit inuillu aaqqissuulluakkamik nalunaaruteqartussaataitanerat pillugit, Pinerlunnermik iluanaarniartartut allattoqarfianut, tassa nunat suleqatikkuminaappata aningaasanik nuussisarnerup akiorneqarnissaanut atatillugu. Aningaasaqarnermi nakkutilliisoqarfik taakkununga atatillugu aalajangersinnaavoq, aaqqissuulluakkamik nalunaaruteqartoqassasoq aammalu pasilliineruinnangippat.

## **Kapitali 4**

### *Kinaassutsimik uppernarsaat il.il.*

**§ 11.** Taakku suliffeqarfiit inuillu inatsimmi ilaasut tamatigut piumasaqartassapput, sullitartik kinaassutsiminik uppernarsaasassasoq, aningaasanik nuussineq pinerlunnermi peqqarniisaarniarnissamik pilersarusiortunut imaluunniit pinerlunnermi iluanaarniartunut attuumassuteqarnersoq, soorlu nalunaaruteqartussaataitanermit § 7 naapertorlugu ilaasoq.

### *Sullitanut tunngasut pinngitsoorneqarsinnaangitsut*

**§ 12.** Inatsimmi ilaasut taakku suliffeqarfiit aamma inuit, sullitartik ilisimasaqarfigissavaat imm. 2-8-mi allassimasoq naapertorlugu, tassanilu sullitartik piumasaqarfigissavaat, sullitassartik kinaassutsimik uppernarsaasassasoq sullissinissaq aallartissappat, tassani kontomik imaluunniit sillimatinut tunngatillugu ammaasoqarnerani.

*Imm. 2.* Sullitaq nammineerluni saaffiginnippat kinaassutsimik uppernarsaataa, atermik, najukkamik sumiinneranik aamma inuup normuanik uppernarsaatitaqassaaq, imaluunniit takussutissanik arlaanik assigusunik tunniussissaaq, taanna pineqartoq inuup normoqanngippat.

*Imm. 3.* Sullitaq suliffeqarfiuppat kinaassutsiminik uppernarsaataa, atermik, najukkamik sumiinneranik, GER-nr.-mik imaluunniit takussutissanik arlaanik assigusunik tunniussissaaq, taanna suliffeqarfik GER-nr.-qanngippat Suliffeqarfiup piginnittuata- aamma nakkutilliinermi ilusaa takussutissaqassaaq, suliffeqarfiullu piginnittuata kinaassusaa uppernarsarneqassaaq, tak. taakku § 21, imm. 1, nr. 2.

*Imm. 4.* Sullitat immikkut tamarmik suna siunertarlugu sullissusseqqunerata paasisutissartanik paasiniaasoqassaaq aammalu siunniutaasa qanoq annertutigineri ilanngullugit.

*Imm. 5.* Sullitamut tunngassutillit ataavartumik alapernaanneqartassapput. Nuussinerit, sullitamut tunngassuteqarnermi, ingerlaartut alapernaanneqassapput isumannaarniarlugit nuussinerit taakku

suliffeqarfiup imaluunniit inuup sullitaminut paasisimariigai assigiinnersut qulakkeerniarlugit, aammalu sullitap suleriaasiata- aammalu navianaqutaata isikkua, tassanilu aamma aningaasat suminggaaneereri allaat paasinierneqassallutik. Allagartat, paasisutissat ersarissut imaluunniit paasisutissaasinnaasut allat sullitamut tunngasut ataavartumik malinnaaffigineqassapput.

*Imm. 6.* Nalornigaanni sullitamut paasisutissat tigoriikkat assigiinnersut imaluunniit naammangippata, imm. 2 amma 3-mi taaneqartut naapertorlugu nutaamik kinaassutsimik uppersaammik piniartoqassaaq.

*Imm. 7.* Taakkua inatsimmi ilaasut suliffeqarfiit inuillu, aalajangersinnaapput kinaassutsimik uppersaanermi ingerlatseriaaseq ingerlatissallugu il.il., imm.1-5-mimiittumi, mianersuaalliornissamut naliliineq tunngavigalugu, sullitat ataasiakkaat imaluunniit sulianik ingerlatsiffeqatip, nioqqusiaq imaluunniit aningaasat nuussat navianarsinnaaneri apeqquataatillugit. Taartiganilli suliffeqarfiup imaluunniit inuup, oqartussaatanut inatsimmik naapertuinissami nakkutilliisoqarfimmut nalunaassaaq, misissuinerup annertussusia naammattumik isikkoqartoq, tassa pinerlunnermik iluanaarniartunut aammalu peqqaarniisaarniarnissamik pilersaarusiortunut aningaasaliisinaanissamut navianarsinnaaneritun tunngatillugu.

*Imm. 8.* Sullitamut tunngassutillit paasisutissat, una inatsit atortuulinnikkallarmat katersukkat, imm. 1-5-mimilu eqqaaneqartunik saqquminngitsut, piffissami tulluurtumi kiisalu navianartoqarsinnaanerani nalileereerermi, paasisutissanik kinaassutsimillu uppersaatinik katersuisoqassaaq imm. 1-5 tunngavigalugu.

**§ 13.** § 12-immiittoq kinaassutsimik uppersaanermi ingerlatseriaaseq, naammassissaaq sullitamut tunngassutillit pilersippata, taamaattorli nuussineq suliarilertinnagu. Suleriaaseq naliginnaasoq unitsinnarneqassanngippat, mianersugaalliornissamut naliliisarneq tunngavigalugu, kinaassutsimik uppersaanermut ingerlatseriaaseq naammassisinnaavoq sullitamut tunngassutillit pilersinnerata sivitsornerata kinguneralarsua. Pkt. 2-mili taaneqartumi pisoqassappat, kinaassutsimik uppersaanermut ingerlatseriaaseq erngerluni naammassineqassaaq, sullitap siullerpaamik attaviginerata kingorna.

*Imm. 2.* Sullitap kinaassutsimik uppersaataa § 12, imm. 1-4-mi taaneqartoq assignngissappagu, taava sullitamut tunngassutillit suleqatiginiakkallu pilersinneqarsinnaanngillat imaluunniit aamma sullitaq aningaasanik nuussissunneqarani. Ilutigalugulu misissorneqassaaq, nalunaarusiortoqassanersoq § 7 malillugu.

*Imm. 3.* Qanorluunniit imm. 1-mi allassimagaluarpata, sillimmasiisarfiit aamma soraarnerussutisallit allaffii, kinaassutsimik uppersaammik piniarsinnaapput, sullitamut tunngassutillit pilersereerpata. Taamaattoq tunniussinermi tunniussilernerimiluunniit imaluunniit tigusisussaq sillimmasiinermit allagartaq naapertorlugu tigusilerpat, taava kinaatsumik uppersaata suliarineqassaaq.

*Imm. 4.* *Imm. 2,* 1. pkt., advokatinut atuutinngilaq, sullitamik inatsisitigut inissisimanerat erseqqissaraangamikku imaluunniit illersoraangamikku imaluunniit eqqartuussinermi imaluunniit eqqartuussinermut atatillugu sinniisuugaangamik, tamakkununga ilaallutik eqqartuussinermi suliasat aallartinniarlugit imaluunniit pinngitsoortinniarlugit siunnersuigaangata. § 1, imm. 1, nr. 13-15-imi inuit suliffeqarfiillu taaneqartut tassaapput, imm. 1-imi pisuni inatsisileritooq ikioraangamikku, imm. 2, 1. pkt.-imi piunasaqaatit ilanngunnagit inatsisileritooq taama ikioraangamikku.

#### *Ataasiartarissamik sullitat*

**§ 14.** Sullitat ataasiaannarluni nuussissutassat (ataasiaannarluni sullitat) pillugit, tassani suliffeqarfiit aamma inuit § 12, imm., 1-4, aamma § 13-miittut inatsimmi tassani peqqussutaasut

nuussinerit aningaasat 100.000 kr. pallippagilluunniit naapertussavaat. Piumasaqaatit atuupput, qanorluunniit nuussinerit sukktut qanorlu nuukkaluarpata, assigiimmik attaveqaraanni.

*Imm. 2.* Nuussiniartilluni nuutassat annertussusaat nalugaanni, nuutsiniarnerlu aallartereerpat kinaassutsimik uppernarsaammik piumasaqartoqassaaq, tassani suliffeqarfiup inuulluunniit ilimagigunikkut nuussinissaq imm. 1.–mi ilaasoq.

#### *Isumaqatigiissuteqaqatiginngisamik nuussissutsinerit*

**§ 15.** Uani inatsimmi suliffeqarfiit inuillu pineqartut, paaseqqaassavaat taanna attaveqartoq imminut pilluni imaluunniit inunnik allamik suliffeqarfinnilluunniit sullissilluni sullissusseqqunersoq. Aammattaaq inatsimmi suliffeqarfiit inuillu pineqartut qulakkiissavaat, taanna sullissusseqqusisoq sullitaminik piginnaatitaaffeqarnersoq.

*Imm. 2.* Inuk imaluunniit suliffeqarfik allamik sulissussiguni, taassuma kinaassusaa isumannaarneqassavoq mianersuaalliornissamut naliliineq tunngavigalugu. Uani inatsimmi piumasaqaatit assigalugit sullitavik kinaassusersissaaq aamma kinaassutsimik uppernarsaataa naammassineqassaaq.

*Imm. 3.* Piumasaqaat imm. 1, 2. pkt. atuutissanngilaq, taanna allamik sulissussisoq suliffeqarfiup ilaani § 21, imm. 1, nr. 1-mi taaneqartumi attuumassuteqaruni, imaluunniit taanna pineqartoq advokati Kalaallit Nunaanni illersuisussanngortinneqarsimappat imaluunniit nunami § 21, imm.. 1, nr. 1-i malillugu issueqarpat.

*Imm. 4.* Piumasaqaat imm. 2-miittoq, kinaassutsimik uppernasaammut atatillugu atuutissanngilaq, taanna inuk allamik sulissussisoq suliffeqarfiup ilaani § 21, imm. 1, nr. 1-mi taaneqartumi attuumassuteqaruni

#### *Aningaasanik nuussinerit*

**§ 16.** (Kalaallit Nunaanni atuutilertinneqassanngilaq)

#### *Isumaqatigiissuteqaqatiginngisamik paasissutissat*

**§ 17.** Taakkua suliffeqarfiit inuillu inatsimmi pineqartut sullitamik kinaassusaanik il.il. paasissutissanik aallertariaqanngillat § 12, imm. 1-4 malillugu, tamakku paasissutissat ukuninnga atugassiutaappata

- 1) Sillimmasiinissamik siunnersuisartoq, misissukkat tunngavigalugit periarfissat amerlasuut tunngavigalugit sillimmasiinermi aaqqiissutissanik sullitanik siunnersuigaangamik, sillimmasiisarfillu ataaseq arlallilluunniit sillimmasiinermi aaqqiissutissanik sinniisaagaangamik, sillimmasiisarfinnik erseqqissumik isumaqatigiissusiortoqartinnagu.
- 2) aningaasarsiornermik ingerlatsisoq, tak. § 5, nr. 1, aningaasarsiornermik ingerlatsisut pillugit inatsimmi, kunngikkormiut aaqqiinerani Kalaallit Nunaannut atuutsinneqalersoq, imaluunniit
- 3) nunat allamiut suliffeqarfiutaat, aningaasarsiornermik ingerlatsineq pillugu inatsimmi §§ 7-11-imi pineqartunik suliaqassalluni akuersissummik tunineqarsimasoq, kunngikkormiut aaqqiineranni Kalaallit Nunaannut atuutilersimasumi, Den Europæiske Union-ip iluani nunami taaneqartumi suliaqassatilluni imaluunniit nunami Niueqatigiinnik aningaasarsiornerup iluani ingerlatsinissamut isumaqatigiissuteqarfisaaani.

Pkt. 1-imi taaneqaraluartorluunniit, § 12, imm. 1-4-mi piumasaqaatit eqquutsinniarlugit suliffeqarfik imaluunniit inuk isumaginninnissamut akisussaasoq, pkt. 1-imi taaneqartuni nunat

naammaginatunimik iliuuseqarniarluni aalajangertoq, tassa aningaasanik peqquserluutinik malunnarunnaarsaalluni kiisalu pinerliiniartunik aningaasalersuinermit pitsaaliuinialuni iliuusissanik aningaasarsiornermit suleriaatsinik atuinissaminut inassuteqaat 2005/06/EF-imi piunasaqaatit naammassiniarlugit suliaqartoq.

*Imm. 2.* Suliffeqarfik imm. 1-imi paasissutissanik tunniussisoq, aningaasarsiornermik ingerlatsinissq pillugu inatsimmi §§ 7-11-mi, kunnigikkormiut aaqqiissutaat malillugu Kalaallit Nunaannut atuutilersimasuni, taaneqartuni akuersissummik tunineqarsimalluni nunani Den Europæiske Unionip avataani, Niueqatigiit aningaasarsiornermik suliaqarnissaq pillugu isumaqatigiissuteqarfigisimangisaani, suliffeqarfiit aamma inuit paasissutissanik inatsimmut ilaasunik suliaqarnermit pineqartumi paasissutissanik pissarsiarisat tunngaviusinnaapput, suliffeqarfik aningaasanik peqquserluutinik malunnarunnaarsaanermit pinerliiniarnernillu aningaasalersuinermit akiuinialuni piunasaqaatinut ilaaguni, soorlu aningaasanik peqquserluutinik malunnarunnaarsaanermit pinerliiniarnernillu aningaasalersuinermit pitsaaliuutit pillugit aningaasarsiornermit suleriaatsit atorlugit pitsaaliuinermit inassuteqaat 2005/60/EF-imi piunasaqaatinut assingusuni, piunasaqaatillu tamakku eqquutsinneqarnerasut nakkutigineqarpata.

*Imm. 3.* Imm. 1 imm. 2-mi suliffeqarfimmut taaneqartunut atuutinngilaq, aningaasanik peqquserluutinik malunnarunnaarsaaneq pinerliiniarnernillu aningaasalersuineq pillugu aningaasarsiornermit suleriaatsini pitsaaliuinermit iliuusissani atuinissamut inassutigisami 2005/60/EF-imi artikel 40 (4) malillugu, nuna suliffeqarfiup pineqartup nalunaarsorsimaffia ilanngunniarnagu Kommissioni aalajangersimappat.

**§ 18.** Suliffeqarfik § 17 malillugu sullitap kinaassusianik uppernarsaatinik tunniussisoq, paasissutissat tamakku suliffeqarfimmut imaluunniit inummut inatsimmi ilaatinneqartumut tiguisussamut ingerlaannartumik tunniussissaaq. Taamattaq suliffeqarfik suliffeqarfimmit imaluunniit inummit tiguisussamit piunasaqarfigineqarnermigut sullitap imaluunniit piginnittuiup kinaassusia pillugu uppernarsaatinik misissuinermilu paasissutissanik attuumassuteqartunik ingerlaannartumik nassiussissaaq. Suliffeqarfiup inuulluunniit tiguisup akisussaaffigaa, kinaassutsimik uppernarsaatit misissuinermilu paasissutissat attuumassuteqartut kiisalu uppernarsaatit attuumassuteqartut allat, piunasaqarfigineqarnermini pilertortumik pissarsiarineqarsinnaasut.

*Kinaassutsimut uppernarsaatinut piunasaqaatit sakkortunerit il.il.*

**§ 19.** Suliffeqarfiit inuillu inatsimmi ilaatinneqartut, aarlerinaateqartunik naliliinerit aallaavigalugit sullitaq pillugu kinaassutsimik uppernarsaatit § 12-imi piunasaqaatit taaneqartut saniatigut paasissutissanik allanik tunniussissaaq, aningaasanik peqquserluutinik malunnarunnaarsaaniarnernut pinerliiniarnernillu aningaasalersuinessamut imminni aarlerinaatinik kinguneqarsinnaappata. Tamatuma kingunerissavaa, imm. 2-4-mi piunasaqaatit minnerpaamik eqquutsinneqarsimassasut.

*Imm. 2.* Sullitat kinaassutsiminik uppernarsaaniarluni nammineerluni takkussimangippat, suliffeqarfik imaluunniit inuk sullitap kinaassusivianik uppernarsaaniarluni immikkut iliuusissanik aalajangiissaaq. Tamanna assersuutigalugu pisinnaavoq, iliuusissat makku arlaat aalajangiunnerisigut:

- 1) Saniatigut uppernarsaanikkut sullitap kinaassusianik aalajangiinissaaq qulakkeerlugu.
- 2) Uppernarsaatit tunniunneqartut misissorlugit imaluunniit uppernarsarlugit, imaluunniit suliffeqarfimmit imaluunniit inunnit § 1, imm.1 nr.10-imi taaneqartut arlaannit atsiornikkut uppernarsaammik piunasaqaateqarnikkut.



- 3) Nuussinermut atatillugu akiliut siulleg aningaaserivimmi sullitap aqqa atorlugu konto ammasoq aqputigalugu isumagineqassasoq piumasaqaatigalugu.

*Imm. 3.* Nunani suliffeqarfiit Den Europæiske Unionip avataani, Niueqatigiit aningaasarsiorneq pillugu isumaqatigiissuteqarfigisimanngisaanni, killeqarfiit akimorlugit aningaaserivitsigut attaveqaatinut atatillugu, aningaaseriviit, taarsigassarsititsiniartarfiit aamma aningaasanik elektroniskiusuni suliarinnittartut inatsimmut ilaasut, aningaaserivikkut attaveqarnerit nutaat pinnginnerini ima iliuseqassaaq,

- 1) tamakkiisunik paasiniaalluni illuatungerisaaq pillugu paasissutissanik naammattunik pissarsiffigissavaa, taassuma suliai suunersut, kiisalu paasissutissat tamat pissarsiarisinnaasaat tunngavigalugit suliffeqarfiup pineqartup tusaamasaanera nakkutilliinerullu pitsaassusia tunngavigalugit paasiniaassaaq,
- 2) aningaasanik peqquserluutinik malunnarunnaarsarneqanngitsoq imaluunniit pinerliiniarnernik aningaasalersuineqannginnersoq illuatungerisap nakkutilliinera nalilersussavaa,
- 3) ulluinnarni pisortanit qullersaasunit akuersissummik pissarsiorluni,
- 4) qulakkiissavaa aningaaseriviup attaveqarfigineqartup sullitap kinaassusianik misissuisimanersooq kiisalu, aningaaserivimmut attavigineqartumut toqqaannartumik inuup imaluunniit suliffeqarfiup inatsimmi matumani ilaatinneqartup kontoanut isersinnaasup, sullitaq pillugu paasissutissat attuumassuteqartut ingerlaavartumik nalilersortarnerai, kiisalu qulakkiissallugu, aningaaseriviup attaveqarfigisap kontomik ingerlatsisup apeqquteqarneratigut sullitaq pillugu paasissutissanik attuumassuteqartunik tunniussisinnaanersooq, aamma
- 5) suliffeqarfiup aningaaseriviullu attaveqarfigisap akornanni akisussaaffimmik agguassinerup iluarsisimaneranik uppernaarsaatitsilluni,

*Imm. 4.* Suliffeqarfiit inuillu inatsimmut ilaatinneqartut ima pissapput

- 1) sullitaq nunami allami najugaqartoq inuunersooq politikikkukut aarlerinartorsiortinneqarnersoq paasissallugu naammaginartunik suleriaaseqassapput,
- 2) sullitat taamaattut niuernikkut attaveqarfigilerneranni ulluinnarni oqartussaasutut qullersaasunit akuersissummik pissarsissapput,
- 3) niuernikkut attaveqarfigisaaq imaluunniit nuussinermut ilaasup, pigisatigut isertitatigullu aallaaviinit paasissutissanik pissarsinissamut naammaginartunik iliussisunik aalajangersinnaaneq, aamma
- 4) niuernikkut attaveqarfigisaaq pillugu ingerlaavartumik malinnaaneq.

*Imm. 5.* Inummik nunami allami najugaqartumik politikikkukut aarlerinartorsiortitaasumik sullissinikkut attuumassuteqarfiit eqqarsaatigalugit ulluinnarnik oqartussatut qullersaasut sullitamut attuumassuteqarnerit inatsisip atuutilersinneqarnera sioqqullugu pilersissimasat ingerlatiinnassanerlugit aalajangissapput.

*Imm. 6.* Aningaaseriviit, taarsigassarsiniartitsisarfiit aningaasanillu elektroniskiusunik suliaqartartut, aningaaserivimmik imaqanngitsumik aningaaserinikkut attaveqarnermik suleqateqassanngillat imaluunniit attaveqarnermik nangeqqiissanngillat, taarsigassarsititsiniartarfimmillu aningaaserivimmik imaqanngitsumik aningaaseriveqarnikkut kontoinik atuisarnermut akuerinnittartutut ilisimaneqartunik attaveqannginnissaaq pinngitsoorniarlugu iliussisunik naammaginartunik aalajangiisimassapput.

*Imm. 7.* Suliffeqarfiit inuillu inatsimmut ilaatinneqartut aningaasanik peqquserluutinik malunnarunnaarsitsiniarnernut pinerliiniartunillu aningaasalersuinissamut aarlerinaateqartunik immikkut eqqumaffiginnissapput, tunisassianut imaluunniit nuussinernut kinaassutsimik isertuussinermik siuarsaasinnaasunut atatillugu pilersinnaasunut, tunisassiallu imaluunniit

nuunneqartut aningaasanik peqquserluutinik malunnarunnaarsaanermut aammalu pinerliiniarnernut aningaasalersinissamut atorneqarnissaat pinngitsoortinniarlugu iliuusissanik pisaqariaqartitanik aalajangiissallutik.

*Kinaassutsimut uppernarsaatit pillugit piumasaqaataatinneqanngitsut il.il.*

**§ 20.** Tunisassiat aningaasanillu nuussinerit makku eqqarsaatigalugit kinaassutsimik uppernarsaasiinissamik § 12-mi aamma § 19, imm. 2-mi piumasaqaateqarneq pisuni ukunani atuutsinngitsoortinneqarsinnaavoq:

- 1) Inuunermik sillimmasiineq aamma soraarnerussutisiassat (pensionisiassat) pillugit isumaqatigiissutini, ukiumoortumik akiliutit 7.500 kr.-iuppata taakkuninngaluunniit ikinneruppata, imaluunniit ataasiartumik akiliutit 18.750 kr.-iuppata taakkuninngaluunniit ikinneruppata.
- 2) Inuunermik sillimmasiineq aamma soraarnerussutisiassat pillugit isumaqatigiissutini, sulineq pillugu isumaqatigiissut imaluunniit sillimmasertup inuussutissarsiuqatigalugu suliffeqarfiutaa tunngavigalugu isumaqatigiissutigineqartuni, isumaqatigiissutit taakku utertitsilluni pisinissamut periarfissamik imaqqanngippata imaluunniit taarsigassarsiniarnermi qularnaveeqqutitut atorneqarsinnaanngippata.
- 3) Inuunermik sillimmasiineq aamma soraarnerussutisiassat pillugit isumaqatigiissutini, taakkununga akiliutit akileeqataassutilluunniit aningaaserivimmit sullitap kontoatigut akilerneqartarpata.
- 4) Inuunermik sillimmasiineq aamma soraarnerussutisiassat pillugit isumaqatigiissutini, sulineq pillugu isumaqatigiissut imaluunniit sillimmasertup inuussutissarsiuqatigalugu suliffeqarfiutaa tunngavigalugu isumaqatigiissutigineqartuni, sullitap utertitsilluni pisinissamut periarfissaq killilik kinaassutsimik § 12 tunngavigalugu uppernarsaasiineq aqqutigalugu atorpagu.
- 5) Aningaasalersuineq pillugu inatsimmi kunngip peqqussutaatigut Kalaallit Nunaannut atortuulersinneqarsimasumi § 308, imm. 1-imi oqaaseqatigiit aappaanni pingajuannilu nassuiarneqarsimasutut aningaasat qarasaasiakkut ingerlaartut pineqarpata,
  - a) kortit immeqqinneqarsinnaanngitsut atorlugit amerlanerpaamik 1125 kr.-nik toqqorsiviusinnaasuni, imaluunniit
  - b) kortit immeqqinneqarsinnaasut atorlugit qaammatisiutit ukiuta ataatsip iluani 18.750 kr.-nik toqqorsiviusinnaasuni, qaammatisiutit ukiuata ataatsip iluani amerlanerpaamik 7.500 kr.-nik tigusiffiusinnaasuni

*Imm. 2.* Qanorluunniit nuussassaq annertussuseqaraluarpat imaluunniit nioqqutissiap issusaa ikkaluarpat, qanoq iliorsinnaanermut uppernarsaammik piumasaqaateqartoqassaaq, nalunaaruteqartussaataaneq § 7 naapertorlugu, nuussineq pinerlunermik iluanaarniartarnermut imaluunniit peqqarniisaarniarnissamik pilersaarusionermut aningaasaliisoqarnersoq pasitsaassaqaraanni.

*Imm. 3.* Aningaasanik nakkutillisoqarfik Ataatsimiititaliap aalajangigaa tunngavigalugu, maleruagassaliorsinnaavoq nioqqutit imaluunniit nuussinerit allat pineqartariaqanngitsut.

**§ 21.** Kinaassutsimut uppernarsaanermut piumasaqaatit § 12-mi atuutinngillat, sullitaq tassaappat

- 1) suliffeqarfik suliffeqarfilluunniit taassuma pissuseqataa § 1, imm. 1, nr. 1-imi aamma ilanngussani 1-10-mi taaneqartoq, nunami Europami Naalagaaffiit Niueqatigiit iluanniittumi angerlarsimaffeqartoq, imaluunniit nunami Naalagaaffiit Niueqatigiit taakku aningaasanik peqquserluutinik malunnarunnaarsaaniartarnerup akiorneqarnissaa pillugu aalajangersakkat pingajuanni aningaasalersuinermit tunngasut pillugit

isumaqatigiissuteqarfigisimasaanni angerlarsimaffeqartoq, imaluunniit suliffeqarfik taassuma pissuseqataa nunami Europami Naalagaaffiit Niueqatigiit direktiv 2005/60/EF aqqutigalugu aningaasalersuinermut tunngasut pillugit isumaqatigiissuteqarfigisimannngisaani aningaasanillu peqquserluutinik malunnarunnaarsaasernerup aamma pinerliiniarnernik aningaasalersuinerup akiorneqarnissaannik piomasaaqatini direktiv 2005/60/EF-imi pineqartunut ilaasuni piomasaaqatillu taakku aningaasanik peqquserluutinik malunnarunnaarsaaniartarnerup akiorneqarnissaa pillugu aalajangersakkat pingajuata malitsigisaanik malinneqarnerannik nakkutiginniffiusumi angerlarsimaffeqartoq,

2) suliffeqarfik, pappiaraatai aningaasanik nalillit nakkutigineqartumik niuerfimmi nioqqutigineqarsinnaasutut akuerisaasut, imaluunniit

3) nunami namminerimi pisortani oqartussaasoq.

*Imm. 2.* Kinaassutsip uppenarsarneqarnissaanik § 11-mi piomasaaqatit atuutissanngillat piginnittuiusoq aningaasaatinik nalunaarsuisartup eqqartuussissuserisulluunniit sullitanut ataatsimut kontoanni aningaasaateqarpat, aningaasaatinillu nalunaarsuisartoq eqqartuussissuserisorluunniit nammineq malittarisassani inatsimmi matumani atuuttut assingini pineqartunut ilaatinneqarpat. Piginnittuiusup kinaassusia il.il. pillugit paasissutissat aningaaserivimmuut kontoqarfiusumut tunniunneqassasut piomasaaqaataavoq, aningaaseriviup taassuma tamakku apeqqutigippagit.

*Imm. 3.* Pisuni tamani sullitap imm. 1-imi aamma 2-mi atoritsiviussanngitsutut taaneqartut arlaanni pineqartunut ilaatinneqartoq ersersinniarlugu paasissutissat naammattut pissarsiariniarneqartassapput.

*Imm. 4.* Kommissionimit aalajangerneqartut tunngavigalugit suliffeqarfiit inuillu allat ilaatinngitsoorneqarsinnaaneranni Finanstilsynet malittarisassiuussisinnaavoq.

**§ 22.** Tamanna Kommissionimit aalajangerneqarpat inuit suliffeqarfiillu inatsimmi pineqartunut ilaatinneqartut taarsigassarsisitsisarfinnut aningaasalersuisarfinnulluunniit imaluunniit suliffeqarfinnut Børsenimi nalunaarsorneqarsimasunut imaluunniit nunanut Europami Naalagaaffiit Niueqatigiit avataanniittunut Naalagaaffiit Niueqatigiit aningaasalersuinermut tunngasut pillugit isumaqatigiissuteqarfigisimannngisaanniittunut § 21-imi atoritsinngitsoorsinnaaneq atorsinnaanngikkaat Finanstilsynet aalajangiisinnaavoq.

#### *Kinaassutsimik paasissutissanik toqqortarinnineq il.il.*

**§ 23.** Kinaassuseq pillugu paasissutissat suliffeqarfinit inunnillu inatsimmi pineqartunut ilaatinneqartunit sullitanut tunngasut atorunnaarnerisa kingornatigut sivikinnerpaamik ukiuni tallimani toqqortarineqartassapput. Kinaassutsimut uppenarsaatit §§ 12, 14, 18 aamma 19 tunngavigalugit pissarsiarineqarsimasut assilineri toqqortarineqarsinnaapput.

*Imm. 2.* Aningaasanik nuussinerit pillugit uppenarsaatit nalunaarsukkallu toqqortarineqartassapput, taamaalillutik taakku aningaasanik nuussinerit ingerlanneqarnerisa kingornatigut sivikinnerpaamik ukiuni tallimani ataatsimoortillugit pissarsiarineqartarsinnaaqqullugit. Tamanna paasissutissanut § 6, imm. 2 tunngavigalugu nalunaarsukkanut aamma atuuppoq.

*Imm. 3.* Suliffeqarfik atorunnaarpat kinaassutsit pillugit paasissutissat § 1 aamma 2 tunngavigalugit suli toqqortarineqarnissaat aqutsisutut kingullertut atuuttut isumagissavaat. Suliffeqarfik pigisat pillugit eqqartuussiviup akuliunneratigut atorunnaarsinneqarpat kinaassutsit

pillugit paasissutissat il.il. aqutsisutut kingullertut atuuttunit allaasunit toqqortarineqassasut pigisat pillugit eqqartuussiviup aalajangersinnaavaa.

*Europami niueqatigiit avataani Immikkoortortaqrarfiit aamma suliffeqarfiit allanik aqunneqartut*

**§ 24.** Suliffeqarfiit inatsimmi § 1, imm. 1, nr. 1-7, 10 aamma 12-imi pineqartunut ilaatinneqartut immikkoortortaqrarfimmik suliffeqarfeeqqallu suliffeqarfimmu atassut nunani Europami Naalagaaffiit Niueqatigiit avataanni Naalagaaffiit Niueqatigiit aningaasalersuinermut tunngasut pillugit isumaqatigiissuteqarfiginngisaanniittut sullitat kinassusiinik uppersaasarsuineq kinaassutsillu il.il. pillugit paasissutissanik toqqortarinnittarneq eqqarsaatigalugu iliuutsinik aningaasanik peqquserluutinik malunnarunnaarsaasarnermik akiuiniarneq pillugu aalajangersakkat pinngajuanni aalajangersakkanut naapertuuttunik iliuuseqarnissaat qulakkiissavaat, nunami inatsisit tamaaliornissaq ajornartinngippassuk.

*Imm. 2.* Nunami imm. 1-mi taaneqartumi inatsisitigut iliuusissat taamaattut atorneqarnissaat ajornartitaappata, suliffeqarfiup oqartussaasoq suliffeqarfiup inatsimmik matuminnga malinninneranik nakkutilliisuusoq ilisimatissavaa, tak. kapitali 8. Suliffeqarfiuttaaq immikkoortortaqrarfimmimi suliffeqarfeeqqamiluunniit suliffeqarfimmu atassumi aningaasanik peqquserluutinik malunnarunnaarsaasoqarsinnaanerata pinerliiniarnermulluunniit aningaasalersuisoqarsinnaanerata allatut iliorluni akiorneqarnissaat qulakkiissavaa.

*Imm. 3.* Suliffeqarfiit imm. 1-imi taaneqartut immikkoortortaqrarfimmik suliffeqarfeeqqalluunniit suliffeqarfimmu atassut Europami Naalagaaffiit Niueqatigiit avataanni Naalagaaffiit Niueqatigiit aningaasalersuinermut tunngasuni isumaqatigiissuteqarfigisimannngisaanni pilersinneqarsimasut sullitat kinaassusiinik uppersaasarneq nalunaarsukkanillu toqqortarinnittarneq pillugit allaganngorlugit malittarisassanik § 25, imm. 1-imi piumasqaatinut naapertuuttunik peqarnissaat isumagissavaat, nunami inatsisit tamaaliornissaq ajornartinngippassuk.

## **Kapitali 5**

*Suleqatigiit iluanni maleruagassat aamma ilinniagaqarneq il.il.*

**§ 25.** Suliffeqarfiit inuillu inatsimmi pineqartunut ilaatinneqartut sullitat kinaassusiinik uppersaaneq, nalunaarutiginninneq, nalunaarsukkanik toqqortarinninneq, namminerisamik nakkutilliineq, aarlerinarsinnaasunik naliliisarneq, aarlerinarsinnaasunik aqutsineq, aqutsinermik nakkutilliineq attaveqatigiinnerlu kiisalu aningaasanik peqquserluutinik malunnarunnaarsaasarnermik pinerliiniarnernillu aningaasalersuisarnermik pinaveersaartitsinermik sulisut ilinniartinneqarnissaat ilitersorneqartarnissaallu pillugit ingerlatsinerit pillugit allakkatigut namminerisaminnik naammattunik malittarisassaliortassapput.

*Imm. 2.* Suliffeqarfiit inuillu § 1, imm. 1, nr. 1-10 aamma 12-imi pineqartunut ilaatinneqartut inummik pisortat akornanniittumik toqqaassapput, suliffeqarfiup inuilluunniit inatsit tunngavigalugu pisussaaffimminnik eqqortitsinerannik malittarisassanillu inatsit tunngavigalugu aalajangersarneqarsimasunik malinninnerannik qulakkeerinnittussamik.

*Imm. 3.* Suliffeqarfiit inuillu § 1-imi pineqartunut ilaatinneqartut pisortat akornanni inuup imm. 2-mi toqqarneqartup sullitat pillugit paasissutissanik paasissutissanillu allanik suliamut

attuumassuteqartunik pissarsisinnaatitaanera isumagissavaat, suliffeqarfiit inuillu inatsit manna tunngavigalugu pisussaaffimminnik eqqortitsinerat qulakkeerniarlugu.

*Imm. 4.* Suliffeqarfiit inuillu § 1-imi pineqartunut ilaatinneqartut atorfeqartitamik inatsit manna tunngavigalugu pisussaaffimminnik ilisimasaqarnissaat isumagissavaat.

*Imm. 5.* Atorfeqartitaanermut tunngasuni pisussaaffiit imm. 1-imi 2-milu taaneqartut sulisitsisup akisussaaffigai.

*Imm. 6.* Piomasagaatit imm. 1-imi taaneqartut pillugit malittarisassat erseqqinnerusut Finanstilsyn-ip aalajangersarsinnaavai.

## Kapitali 6

### *Nipangiussisussaassuseq aamma akisussaaffik*

§ 26. Nalunaarutiginninnerit paasissutissallu suliffeqarfiup inuillu inatsimmi pineqartunut ilaatinneqartut § 7 tunngavigalugu tatigeqatigiinnikkut tunniussaata aamma aningaasanik nuussinernik § 7, imm. 4 tunngavigalugu unitsitsinerit suliffeqarfimmu inummulluunniit, atorfeqartitaasumut imaluunniit aqutsisuusunut sukkuulluunniit akisussaaffiliisuunngillat. Paasissutissanik tamatumunnga atatillugu ingerlatitseqqilluni tunniussineq nipangiussisimasussaataitisoqarpat nipangiussisimasussaataitanermik unioqqutitsinertut isigineqanngilaq.

§ 27. Suliffeqarfiit inuillu, suliffeqarfinni inunnilu taakkunani atorfeqartitaasut aqutsisuusullu kiisalu kukkunersiuisut allallu suliffeqarfimmu inummulluunniit immikkut sullissisut sullisisimasulluunniit inatsimmi matumani pineqartunut ilaatinneqartut § 7 tunngavigalugu nalunaarutiginnittoqarsimaneranik, tamatumaluunniit isumaliutersuutigineqarneranik, imaluunniit aningaasanik peqquserluutinik malunnarunnaarsaaneq pinerliiniarnernullu aningaasalersuineq pineqarnersoq misissuisoqarneranik misissuisoqarniarnanilluunniit isertuussinissaminut pisussaaffeqarput, taamaattorli tak. imm. 2-6.

*Imm. 2.* § 7 tunngavigalugu nalunaarutiginnittoqarsimaneranik tamatumaluunniit isumaliutersuutigineqarneranik, imaluunniit aningaasanik peqquserluutinik malunnarunnaarsaaneq pinerliiniarnernullu aningaasalersuineq pineqarnersoq misissuisoqarneranik misissuisoqarniarnanilluunniit paasissutissat oqartussaasunut suliniaqatigiiffinnullu inatsisip matuma eqquutsinneqarneranik nakkutiginnittuusunut ingerlateqqillugit tunniunneqarsinnaapput.

*Imm. 3.* Imm. 1-imi inerteqqusiinerup inatsisilerituut kukkunersiuisullu sullitami inatsisinik unioqqutitsilluni iliuuseqarnissaanut inerterissalluni pinngitsoortitsissanngilai.

*Imm. 4.* § 7 tunngavigalugu nalunaarutiginnittoqarsimaneranik tamatumaluunniit isumaliutersuutigineqarneranik, imaluunniit aningaasanik peqquserluutinik malunnarunnaarsaaneq pinerliiniarnernullu aningaasalersuineq pineqarnersoq misissuisoqarneranik misissuisoqarniarnanilluunniit paasissutissat suliffeqarfinnu direktiv 2002/87/EF-imi artikel 2, nr. 12-imi allaaserineqarsimasut pissuseqataannut ingerlateqqillugit tunniunneqarsinnaapput.

*Imm. 5.* § 7 malillugu paasissutissanik tunniussineqarsimasoq pillugu ilisimatitsineq imaluunniit isumaliutersuutigineqarpat, imaluunniit taassuminnga misissuineq aallartissimappat aallartinneqalersaarpalluunniit, aningaasanik peqquserluutinik malunaarunnaarsaaniartoqartoq imaluunniit pinerliiniarnernik aningaasalersuisoqassamaartoq, inuit § 1, imm. 1, nr. 13-15-imi taaneqartut akornanni ingerlateqqinneqarsinnaapput, inuk paasissutissanik ingerlatitsisoq inullu

paasissutissanik tunineqartoq, inatsisitigut imaluunniit attaveqaqatigiiffitsigut assigiimmik suliaqartuuppata.

*Imm. 6. § 7* tunngavigalugu nalunaarutiginnittoqarsimaneranik tamatumaluunniit isumaliutersuutigineqarneranik, imaluunniit aningaasanik peqquserluutinik malunnarunnaarsaaneq pinerliiniarnernullu aningaasalersuineq pineqarnersoq misissuisoqarneranik misissuisoqarniarneranilluunniit paasissutissat inuit suliffeqarfiilluunniit § 1, imm. 1, nr. 1-10-mi pineqartunut ilaatinneqartut akornanni ingerlateqqillugit tunniunneqarsinnaapput, imaattoqarpata:

- 1) paasissutissat suliffeqarfimmut inummulluunniit suliffeqarfimmi inummilluunniit sullitaasumut paasissutissanik ingerlatitsiseqqilluni tunniussisumut, aamma suliffeqarfimmut inummulluunniit paasissutissanik tiguisumut tunngasuuppata, paasissutissallu aningaasanik nuussinermut illua'tungiusunik marlunnik taakkuningga akuliutsitsisumut tunngasuuppata,
- 2) suliffeqarfik inulluunniit paasissutissanik ingerlatitseqqilluni tunniussisoq, aamma suliffeqarfik inulluunniit paasissutissanik tiguisoq assigiimmik suliaqartuuppata,
- 3) suliffeqarfik inulluunniit paasissutissanik ingerlatitseqqilluni tunniussisoq, aamma suliffeqarfik inulluunniit paasissutissanik tiguisoq nipangiussisimasussaataaneq paasissutissanillu inummut tunngasunik illersuineq eqqarsaatigalugit assigiinnik piunasaqaateqarfigineqarpata, aamma
- 4) paasissutissat paarlaateqatigiinneqartut aningaasanik peqquserluutinik malunnarunnaarsaaneq pinerliiniarnernilluunniit aningaasalersuineq pitsaaliorniarlugu taamaallaat atorneqassappata.

*Imm. 7.* Paasissutissat imm. 4-6-imi taaneqartut suliffeqarfinnut inunnullu nunami Europami Naalagaaffiit Niueqatigiit avataanniittumi Naalagaaffiit Niueqatigiit taakku aningaasalersuinnermut tunngasuni isumaqatigiissuteqarfiginngisaanni angerlarsimaffeqartunut ingerlateqqillugit aatsaat tunniunneqarsinnaappat, suliffeqarfik inulluunniit aningaasanik peqquserluutinik malunnarunnaarsaasernerup pinerliiniarnernillu aningaasalersuinnerup akiorneqarnissaanik piunasaqaatit aningaasanik peqquserluutinik malunnarunnaarsaasarneq akiorniarnarlugu direktiv 2005/60/EF-imi aalajangersakkani piunasaqaatit assiginik piunasaqaateqarfigineqarsimappat, piunasaqaatillu taakku malinneqarnerat nakkutigineqarpata.

**§ 28.** (Kalaallit Nunaanni atuutilertinneqassanngilaq)

**§ 29.** Kommissioni tamanna pillugu aalajangiippat Akileraaruserivik aalajangiisinnavaoq suliffeqarfiit inuillu inatsimmi pineqartunut ilaatinneqartut paasissutissanik nunanut Europami Naalagaaffiit Peqatigiit avatanniittunut, Naalagaaffiit Peqatigiit aningaasalersuinnermut tunngasuni § 27 tunngavigalugu isumaqatigiissuteqarfigisimanngisaannut ingerlatitseqqilluni tunniussisoqassanngitsoq.

## **Kapitali 7**

### *Aningaasat salloqittaatit*

**§ 30.** Suliffeqarfiit inuillu sulinnerminnut ilaatillugu aningaasanik pappiaranik aggorsimasunillu passussinnermi pisortanullu tunniussisarnermi peqataasut, matumani suliffeqarfiit inuillu aningaasanik pappiaranik aggorsimasunillu nunat allat aningaasaannut nuussisarnermik

suliaqartut ilanngullugit eqqarsaatigalugit, aningaasanik pappiaranik aggorsimasunillu kaaviiartunik salloqittaataarnerat ilimagissallugu naammattumik tunngaveqarfigisaminnik tamanik unitsitsillutik tigusinissaminnut pisussaaffeqarput. Aningaasat pappiarat aggorsimasullu salloqittaatit ingerlaannartumik politiinut tunniunneqassapput.

## Kapitali 8

### *Nalunaarsuineq aamma nakkutilliineq il.il.*

§ 31. (Kalaallit Nunaannut atortuulertinneqassanngilaq)

§ 32. Erhvervs- og Selskabsstyrelsenip kukkurersuisut § 1, imm. 1, nr. 15-imi ilaatinneqartut naalagaaffimmit akuerisaasut nalunaarsorsimasullu inatsisip matuma taannalu tunngavigalugu malittarisasaanik eqquutsitsinersut nakkutigissavaa.

*Imm. 2.* Kukkurersuisunik naalagaaffimmit akuerineqartunik nalunaarsorsimasunillu § 1, imm. 1, nr. 15-imi ilaatinneqartunik nakkutiginnineq aarlerinaatinik nalilersuineq tunngavigalugu pissaaq.

*Imm. 3.* Kukkurersuisut naalagaaffimmit akuerisat nalunaarsorsimasullu § 1, imm. 1, nr. 15-imi ilaatinneqartut, paasissutissanik inatsisip matuma taassumalu malitsigisaanik malittarisassat eqquutsinnissaat nakkutiginiarlugu paasissutissanik Erhvervs- og Selskabsstyrelsenimut tunniussisassapput.

*Imm. 4.* (Kalaallit Nunaanni atuutilertinneqassanngilaq)

*Imm. 5.* Erhvervs- og Selskabsstyrelsenip kukkurersuisut naalagaaffimmit akuerisaasut nalunaarsorneqarsimasullu nakkutilliisoqarfiup piffissaliussatut aalajangigaata iluani inatsimmi matumani aalajangersakkanik imaluunniit taanna tunngavigalugu malittarisassanik unioqqutitsineqartillugu iliuusissanik pisariaqartitanik iluarsiinissaannut peqqusinnaavaat.

*Imm. 6.* Imm. 1 malillugu nakkutilliinermut atatillugu Erhvervs- og Selskabsstyrelsen avataanit ikiortissanik atuisinnaavoq.

§ 33. (Kalaallit Nunaanni atuutilertinneqassanngilaq)

§ 34. Suliffeqarfiit inuillu inatsimmi matumani § 1, imm. 1, nr. 1-10 aamma 12-imi ilaatinneqartut inatsimmik matuminnga, taassumalu malitsigisaanik malittarisassanik eqquutsitsinersut, kiisalu aningaasanik nuussinermut atatillugu paasissutissanik ilanngussisarneq pillugu inatsit Kalaallit Nunaannut atuuttup eqquutsinneqarnissaaq Finanstilsynetip nakkutigisaraa.

*Imm. 2.* Inuit suliffeqarfiillu inatsimmi matumani § 1, imm. 1, nr. 12-imi pineqartunut ilaatinneqartut, taama suliaqarnissaminnik isumaginnissinnaassagunik Finanstilsynetimi nalunaarsorneqarsimasussaapput.

*Imm. 3.* Inuit suliffeqarfiillu imm. 2-mi taaneqartut nalunaarsorneqarnissaat Finanstilsynetip itigartitsissutigissavaa, inuit taaneqartut imaluunniit aqutsisoqatigiinnut ilaasortaasut imaluunniit suliffeqarfimmik piginnittuiit pisimasoq pineqaatissiissutigineqarsinnaasoq pissutigalugu eqqartuussaasimappata, pisimasorlu atorfirmmik suliffimmilluunniit atornerluisoqarsinnaaneranik imaaliillaannaq ilimaginnilersitsippat. Kalaallit Nunaanni pinerluttulerineq pillugu inatsimmi § 164, imm. 3 tamatuma pissuseqataanik atorneqassaq.

*Imm. 4.* Inuit suliffeqarfiillu imm. 2-mi taaneqartut Finanstilsynetip nalunaarsorsimajunnaarsissavai, inuit taaneqartut imaluunniit aqutsisoqatigiinnut ilaasortaq

imaluunniit suliffeqarfimmik piginnittuut pisimasoq pineqaatissiissutigineqarsinnaasoq pissutigalugu eqqartuusaasimappata, pisimasorlu atorfimmik suliffimilluunniit atornerluisoqarsinnaaneraniq imaaliillaannaq ilimaginnilersitsippat. Kalaallit Nunaanni pinerluttulerineq pillugu inatsimmi § 164, imm. 3 tamatuma pissuseqataanik atorneqassaq.

*Imm. 5.* Suliffeqarfiit inuillu imm. 1-imi taaneqartut paasissutissanik inatsisip matuma malittarisassallu inatsit tunngavigalugu aalajangersarneqartut malinneqarnerannik nakkutilliinermi atugassanik pisariaqartunik Finanstilsynetimut tunniussissapput, kiisalu aningaasanik nuussinermut atatillugu akiliisoq pillugu paasissutissanik ilanngussinissaq pillugu inatsit Kalaallit Nunaannut atuuttoq malillugu.

*Imm. 6.* Finanstilsynetip suliffeqarfinnut inunnullu imm. 1-imi taaneqartunut kinaassutsimik pisariaqarneratut uppersaasaasiilluni eqqartuussivikkut aalajangiisoqanngikkaluartoq sukkulluunniit isersinnaatitaavoq, paasissutissanik pissarsiarneq siunertaralugu, matumani nakkutilliinermut atatillugu misissuinerit ilanngullugit eqqarsaatigalugit.

*Imm. 7.* Aningaasanik peqquserluutinik malunnarunnaarsaaniarnernik akiuineq pillugu inatsit malittarisassallu inatsit tunngavigalugu aalajangersarneqartut unioqqutinneqarpata Finanstilsynetip suliffeqarfiit inuillu imm. 1-imi taaneqartut peqqusinnaavai iliuusissat pisariaqartut piffissaliussap nakkutilliisumit aalajangersarneqartup iluani suliniutigeqqullugit, kiisalu aningaasanik nuussinermut atatillugu akiliisoq pillugu paasissutissanik ilanngussinissaq pillugu inatsit Kalaallit Nunaannut atuuttoq malillugu.

**§ 34 a.** Inatsisilerituut § 1, imm. 1, nr. 13-14-imi pineqartut inatsisip matuma taassumalu malitsigisaanik malittarisassat aalajangerneqarsimasut eqquutsinneqarnissaat Advokatrådetip nakkutigissavaa. § 32, imm. 2 pissuseqataanik Advokatrådetip atussavaa. Aalajangersakkat imm. 1-imi taaneqartut unioqqutinneqarnissaannut aarlerinaatit tunngavigalugit nakkutililiineq pissaaq.

*Imm. 2.* Advokatrådetip piffissaliussatut aalajangigaata iluani inatsimmi matumani aalajangersakkat, taannalu tunngavigalugu malittarisassat aalajangersarneqarsimasut unioqqutinneqassagalarpata Advokatrådet iliuusissanik pisariaqartunik inatsisilerituut peqqusinnaavaat.

## **Kapitali 9**

### *Utimumt ilisimatitsineq*

**§ 35.** Aningaasanik Peqquserluutinik Malunnarunnaarsaasarnermut Allattoqarfiup, misissuinerimi mianerisassat tamanna ajornartinnigippassuk, nalunaarutiginnittoq suliap killiffia pillugu ilisimatissinnaavaa, matumani unnerluutiginnittoqarsimanersoq ilanngullugu eqqarsaatigalugu, taamatuttaarlu aningaasanik peqquserluutinik malunnarunnaarsaaniartunik Aningaasanik Peqquserluutinik Malunnarunnaarsaasarnermut Allattoqarfimmi nalunaarsuiffimmit peersisoqarsimanersoq, aamma eqqartuussissutikkut inaarutaasumik aalajangiisoqarsimanersoq ilisimatitsissutigineqarsinnaalluni, eqqartuussissutip eqqartuussissutilluunniit eqikkarneqarnerata tunniunneqarnerisigut.

*Imm. 2.* Nalunaarutigineqartut imm. 1-imi taaneqartut allanut pissutissaqanngitsumik ingerlateqqillugit tunniunneqarsinnaanngillat.



## Kapitali 10

### *Maalaarutaasinnaasut pillugit aalajangersakkat*

**§ 36.** Finanstilsynetip imaluunniit Erhvervs- og Selskabsstyrelsenip inatsit manna malittarisassalluunniit inatsit tunngavigalugu aalajangersarneqarsimasut tunngavigalugit aalajangiineri aalajangiinermi pineqartumit Inuussutissarsiutillit maalaaruteqartarfianut aalajangiinerup pineqartumut nalunaarutigineqarneranit sapaatit akunneri sisamat qaangiutsinnagit suliaassanngortinneqarsinnaapput.

## Kapitali 11

### *Pineqaatissiissutaasinnaasut pillugit aalajangersakkat*

**§ 37.** § 2-mik, § 6, imm. 2-mik, § 7, imm. 1-imi oqaaseqatigiit aappaannik, imm. 2-mi aamma imm. 3-mi aamma imm. 4, oqaaseqatigiinni siullernik, § 11-mik, § 12, imm. 1-6-imik, § 13, imm. 1-imi oqaasetigiinnik siullernik oqaaseqaatigiillu pingajuinik, imm. 2-mik aamma imm. 3-mi oqaaseqatigiit aappaannik, § 14-imik, § 15, imm. 1-imi oqaaseqatigiinnik siullernik, § 15, imm. 2-mik, § 16, imm. 1-imik, imm. 2-mi oqaaseqatigiinnik siullernik aamma imm. 3-6-imik, § 23, imm. 1-imi oqaaseqatigiinnik siullernik, imm. 2-mik aamma imm. 3-mi oqaaseqatigiinnik siullernik, § 24-mik, § 25, imm. 1-4-mik, § 27, imm. 1-imik, § 30, oqaaseqatigiit aappaannik kiisalu § 32, imm. 3-mik aamma § 34, imm. 2 aamma imm. 5-imik piaaraluni mianersuaalliorujussuarluniluunniit unioqqutitsinerit pillaammik akiliisitsinikkut pineqaatissiissutigineqassapput. § 35, imm. 2-mik piaaraluni mianersuaalliorujussuarluniluunniit unioqqutitsineq pillaammik akiliisitsinikkut pineqaatissiissutigineqassaaq, pinerluttulereq pillugu inatsimmi malittarisassat tunngavigalugit sakkortunerusumik pineqaatissiisoqassanngippat.

*Imm. 2.* § 2-mik, § 7, imm. 1-imi oqaaseqatigiit aappaannik, imm. 2-mi aamma imm. 3-mi oqaaseqatigiinnik siullernik, § 11, imm. 1-6-imik, § 13-imik, § 14-imik, § 19, imm. 1-imi oqaaseqatigiinnik siullernik, imm. 2-mik aamma imm. 3-mi oqaaseqatigiinnik siullernik immikkut sakkortuumik unioqqutitsinerit Pinerluttulereq pillugu inatsit malillugu pineqaatitsissusiinermik kinguneqarsinnaapput.

*Imm. 3.* Malittarisassani inatsit tunngavigalugu aalajangersarneqartuni malittarisassanik unioqqutitsinerit Kalaallit Nunaanni pinerluttulereq pillugu inatsit malillugu pillaammik akiliisitsinikkut pineqaatissiissutigineqarnissaat aalajangersarneqarsinnaavoq.

*Imm. 4.* Pisussaaffiit inuup suliffiulluunniit inatsimmi § 32, imm. 3, aamma § 34, imm. 5 tunngavigalugu pisussaaffigisani eqqortinngippagit Erhvervs- og Selskabsstyrelsip aamma Finanstilsynetip, suliffeqarfik inuilluunniit suliffeqarfimmut akisussaasut pinngitsaaliiniutitut pillaammik ullormit ullormut sapaatilluunniit akunnikkaartumik akiliisussanngortissinnaavai.

*Imm. 5.* Inuk suliffeqarfilluunniit § 32, imm. 5 imaluunniit § 34, imm. 7 tunngavigalugu peqquisutininik malinnitsitsinngitsoq Kalaallit Nunaanni pinerluttulereq pillugu inatsit malillugu pillaammik akiliisitsinikkut pineqaatissinneqassaaq.

*Imm. 6.* (Kalaallit Nunaanni atortuulersinneqassanngilaq)

*Imm. 7.* Ingerlatseqatigiiffiit il.il. (inatsisilerinermi inuttut immikkoortutut isigineqartut) Kalaallit Nunaanni pinerluttulereq pillugu inatsimmi kapitali 5-imi malittarisassat malillugit pinerluttulereq pillugu inatsiseqartitsinikkut akisussaatinneqarlutik pineqaatissinneqarsinnaapput.

## Kapitali 12

*Atortuulersitsissutitut ikaarsaariarnermilu aalajangersakkat il.il.*

**§ 38.** Peqqussut atuutilissaaq 1. juni 2010.

*Imm. 2.* Ilutigalugulu peqqussut nr. 575 6. juni 1996-meersoq , Kalaallit Nunaanni inatsik atuuttoq, aningaasanik pinerlunermik iluanaarniarnermi pinaveersaartitsiniarnermut iliuutsit atorunnaarsinneqassaaq.

*Imm. 3.*(Kalaallit Nunaanni atortuulersinneqassanngilaq)

**§§ 39-41** (Kalaallit Nunaanni atortuulersinneqassanngilaq)

*Tunniunneqarput Amalienborg-mi, ulloq XX. XXX 2009*

MARGRETHE R.

/Lene Espersen

## **Ilanngussaq 1**

1. Uninngasuutiniq allanillu utertitsisussaataaernermit aningaasanik tigusiineq.
2. Taarsigassarsiarititaqarfiit, soorlu makku ataani allaqqasut;
  - atortariaqakkanut akiligassarsinerit,
  - qularnaveeqqusiissutitalimmik taarsigassarsiat,
  - nioqquteqarnermi allagartaliornert aamma ullu allamut akiligassaliornert,
  - (Kalaallit Nunaanni atortuulersinneqassanngilaq)
3. (Kalaallit Nunaanni atortuulersinneqassanngilaq)
4. akiligassanik isumaginninneq.
5. Akileeriaatsinik (kreditkorti, angalanermit checkit, bankimi akiitsukkanut uppersaatait) tunniussineq aamma allaffissorneri.
6. Qularnaveeqqusiineq aamma tunuliaqusiissutit.
7. Imminut imaluunniit sullitap akiligassanik nuussinerit, ukuninnga
  - a) Allatut ittunik uppersaateqarluni niuernerit (checkit, akiligassaqarnermut allagartat, aallaqqaatitut akiliutit uppersaataat il.il.),
  - b) nunat allat aningaasaanik niuerfik,
  - c) isumaqatigiissuteqareerluni aamma niuernermit salliussanik aningaasaliinerit,
  - d) nunat allat aningaasaanik- aamma ernianik immikkut ittumik sakkut
  - e) pappiarat nalillit.
8. Aningaasaliissutinik ilaqqiinermi peqataanerit aammalu tassunga atatillugu sullissinerit.
9. Suliffeqarfinnut siunnersuinerit, aningaasaanik aqqissuussinerit, suliffissuarmilu iliusissat pillugit, aammalu taakkununga assigusunut apeqquteqarnerit siunnersuinerillu, kiisalu sullissinerit suliffeqarfinnik kattussinerit aamma pisinerit pillugit.
10. Aningaasanut tunngatillugu akunniliulluni sulissussineq (money broking).
11. Pigisat arlallit nalillit ataatsimut isigalugit allaffissornerat aamma- siunnersuinerit.
12. Pappialat nalillit paarineri aamma suliarineri.
13. Boksimik attartuineq.